

全五代詩

全
文
集

全五代詩卷四十

羅江李調元雨村 編

前蜀

前主王建

建字光圖許州舞陽人少爲忠武軍卒稍遷
隊將楊復光討黃巢建爲都頭僖宗使將神
策軍宿衛文德元年爲招討牙內都指揮使
大順二年檢校司徒成都尹節度劍南西川
招撫雲南八國等使天復三年封蜀王梁既
篡唐僭卽帝位卒號高祖

歐陽史建少無賴以屠牛盜驛販私

鹽為事里人謂之賊王八 全唐詩話建妻弟眉州刺史周德權值梁祖篡唐引讖文上表勸進云李祐西王逢吉昌德允興丹莫當解曰李祐西王言唐後王氏興西方也西方為允丹朱也言朱梁不敢抗也建大悅遂即位擢德權中書令

贈別唐太師道襲

卅歲便將為肘腋二紀何曾離一日更深猶向立案前敷奏柔和不傷物今朝榮貴慰我心雙旌引向重城出褒斜舊地委勳賢從此生靈永泰息

後主衍

衍字化源建之子為後唐所滅有烟花集十

春秋咸康元年九月奉太后太妃禱青城山宮人皆衣雲霞之衣自製甘州曲令宮人唱

之其詞哀怨聞者慘悽詞曰畫羅裙能結束
稱腰身柳眉桃臉不勝春薄媚足精神可惜
許淪落在風塵意本謂神仙在凡塵耳及降
中原宮妓多淪落人間蜀檣旣云嘉王宗
壽每諫諍衍不樂燕會衍命工人李玉簫歌
其所撰宮詞送宗壽酒宗壽懼禍乃飲佞臣
潘在迎曰嘉王聞玉簫卽飲請以玉簫賜之
行曰王必不納其詞云云北夢瑣言髮佞
韓昭顯珣潘迎等爲狎客競又手搖頭唐
入境過其報而遊幸師至利州方知將士紛
然曰且打叉手搖頭念宣歌曰不知身命促
把燭夜行遊令宮女連臂又蜀王衍仔繫
入秦至劍閣見山川之美賦詩云不緣朝夜
闕去來此結茆廬時人笑之至咸陽又作曲
子云盡是一場贏得與夫無愁入井者所較
無多也五代史蜀人富而喜邀當王氏晚
年競爲小帽僂覆其頂謂之危腦帽又好裹
尖巾其狀如錐而後宮皆戴金蓮花冠衣道
士服酒酣免冠其髻髻
然更施朱粉號醉粧

醉粧詞

者邊走那邊走只是尋花柳那邊走者邊走莫壓金
杯酒

幸秦川上梓潼山

喬巖簇冷煙幽徑上寒天下瞰峨眉嶺上窺華岳巔
驅馳非取樂按幸爲憂邊此去如登陟歌樓路幾千

題劍門

緩轡踰雙劍行行躡石稜作千尋壁壘爲萬祀依憑
道德雖無取江山粗可矜回看城闕路雲疊樹層層
過白衛嶺和韓昭儉

先期神武力開邊畫斷封疆四五千前望隴山屯劍
戟後憑巫峽鎖烽煙軒皇尙自親平寇嬴政徒勞愛
學仙想到陳宮尋勝處正應鶯語暮春天

宮詞

輝輝赫赫浮玉雲宣華池上月華新月華如水浸宮
殿有酒不醉眞癡人

張格

格字義師河間人唐宰相潛之子仕蜀爲翰
林學士拜中書侍郎同平章事累加右僕射

太傅

十國春秋梁王全忠將謀篡代密諷張
全義圖潛乃令楊麟率健卒圍其墅殺

之永寧縣葉彥者張氏待之素厚當麟來彥
偵知之奔告格曰相公之禍不可免即君宜
自為計格與濬父子持泣濬謂之曰留則併
命去則遺種汝勿以吾為累格拜辭以行彥
乃統義士三十人送渡漢江而旋格由荊州
上峽入成都是時唐亂人士多依兩川以避
難高祖雖起戎伍為人饒智略善待士
故所用皆唐名臣族而待格恩禮尤異

寄禪月大師

龍華咫尺斷來音日夕空馳詠德心
禪月字清師號
別壽春詩古帝恩深畫成羅漢驚三界書似張顛直
萬金莫倚名高忘故舊曉晴閑步一相尋

周庠

庠唐龍州司倉後事王建累官御史中丞中

書侍郎同平章事王衍嗣位進司徒十國春秋庠子

仁矩官駙馬都尉粗有才藻而庸劣特甚國亡後與貧丐者伍令一人先道爵里於市肆間有哀之者日獲錢數百相與飲噉為樂成都人皆嗟歎之

寄禪月大師

昨日塵遊到幾家就中偏省近宣麻
水田鋪座時移畫金地譚空說盡沙
傍竹欲添犀浦石栽松更碾味江茶
有時捻得休公卷倚柱閑吟見落霞

王 鎔

鎔字鱣祥仕蜀為翰林學士遷御史中丞歷

中書侍郎同平章事十國春秋唐師人成都李昊草降表上軍聞而

降書則錯實為之錯至洛陽唐授以刺史錯
上表乞後主骸骨歸葬蜀山有云生為萬乘
之君死在匹夫之手不允人頗稱之錯家藏
異書數千本多手自丹黃又親寫釋藏經若
千卷每趨朝於白藤擔子內鈔書
書法絕工其好學亦有足取者

贈禪月大師

長愛吾師性自然天心白月水中蓮神通力遍恆沙
外詩句名高八米前尋訪不聞朝振錫修行惟說夜
安禪太平時節俱無事莫惜時來話草元

庾傳素

傳素事王建為蜀州刺史累官至左僕射同
平章事罷為工部尚書衍嗣立加太子太保

兼中書侍郎後降唐爲刺史卒

十國春秋傳表領蜀州時

有唐興縣郎吏楊會者事傳素甚謹及傳素爲相除長馬以酬之會堅辭曰會之吏役遠近皆知忝冒爲官寧淹人口且捨數千家供待而博一虛名長馬無益也時人稱其有識

木蘭花

木蘭紅豔多情態不似凡花人不愛移來孔雀檻邊栽折向鳳凰釵上戴是何芍藥爭風彩自共牡丹長作對若教爲女嫁東風除却黃鶯難匹配

馮涓

涓字信之東陽人舉進士登大中四年宏詞科爲京兆府叅軍尋隱商山昭宗起爲祠部

郎中擢眉州刺史田陳拒命不令之任涓於

成都墨池灌園自給王建據蜀以為翰林學

士終御史大夫所著有南冠龍吟長樂等集

十三卷北夢鎮言馮涓分符眉州不得之住

有南冠梁川歌詩皆自傷階蹙也有蜀賦引

云云又題支機石云不隨俗物皆成土只待

良時却補天苦雨行云金魚化作池中物禾

履為天際船蜀城析骸之際幾至殍殍因

投鷲米家活有詩云取水郎中何日了破柴

員外幾時休早知蜀地區嫌與悔不長安大
比邱通鑑綱目涓為建草殺陳敬瑄田令
攷表云開押出虎孔宣父不責他人當路斬
蛇孫叔敖蓋非利已云云天下快之十國
春秋涓撰傲龍文大蟲榜嶮竿歌皆有文采
涓性滑稽對曰邱八所製高祖為大笑又與

司空王鐔等小酌鐔舉令一字三呼兩物相
似曰樂樂樂冷淘似餽餽涓曰已已已已已
似馬矢坐中大噓涓但長嘯而已又云大中
四年進士馮涓登第榜中文譽最高是歲選
羅國起樓厚齎金帛
奏請撰記時人榮之

蜀馱引

昂藏大步蠶叢國曲頸微伸高九尺卓女窺窻莫我
知嚴仙據案何曾識

自古皆傳蜀道難爾何能過拔蛇山忽驚登得鷄翁
磧又恐礙著鹿頭關

楊 玠

玠字靖夫虞卿之曾孫也蜀王建時累官禮

部尙書衍嗣位謫榮經尉乾德中復為太常

少卿後歸後唐授工部尙書談苑玠自蜀歸唐長安舊居多

為鄰里侵占子弟欲詣府訴其事以狀白玠玠批紙尾云四鄰侵我我從伊畢竟須思未

有時試上含元殿基望秋風秋草正離離子弟不敢復言又登慈恩寺塔云紫雲樓下曲

江平鴉噪殘陽凌隴青莫上慈恩最高望不堪看又不堪聽

遣歌伎

垂老無端用意乖誰知道侶厭清齋如今又采薜蘿

去辜負張君繡鞞鞋

韓昭

昭字德華長安人為蜀後主王衍狎客累官

禮部尙書文思殿大學士唐兵入蜀王宗弼

梟斬送唐

十國春秋昭性侯善窺迎人意與潘炕子在迎顧彥朗子在珣同

為後主狎客後主起宜華苑昭與諸近臣日夜侍後主酣飲其中男女雜坐褻慢無所不至或為豔歌唱和沈湎無虛日又昭粗有文章至於琴棋書算射法悉皆涉獵有朝士李台瑕譏之曰韓八座事藝如折裊線無有寸長時人趨之海錄碎事載李台瑕云韓昭凡事如僧剃髮無有寸長

和題劍門

閉關防老寇孰敢振威稜險固疑天設山河自古憑
三川奚所賴夔劍最堪矜鳥道微通處煙霞鎖百層

從幸秦川過白衛獻詩

吾王巡狩爲安邊此去秦亭尙數千夜照路岐山店
火曉通消息戍瓶煙爲雲巫峽雖神女跨鳳秦樓是
謫仙八駿似龍人似虎何愁飛過大漫天

李浩弼

浩弼蜀翰林學士

從幸秦川賦鷲獸歌

巖下年年自寢訛生靈餐盡意如何爪牙眾後民隨
滅溪壑深來骨已多天子紀綱猶被弄容人窮獨固
難過長途莫怪無人跡盡被山王稜鄰他

盧延讓

延讓字子善范陽人唐光化九年進士第朗

陵雷滿辟從事滿敗歸王建開國授水部員

外郎累遷給事中終刑部侍郎卒撫言先是延讓師薛

許下能為詩詞意入僻時人多笑之吳翰林

融為侍御史出官峽中延讓時薄遊荆渚貧

無卷軸未遑贄謁會融表弟滕籍者偶得延

讓百篇融覽大奇之曰此無他貴不尋常耳

于是稱之于府主成汭時故相張公職大租

於是邦常以延讓為笑端及融言之咸所改

觀延讓深所感激然猶因循竟未相面後值

融赴急徵入內庭孜孜于公卿間稱譽不已
光化戊午歲來自湖南融一見如舊相識延
讓嗚咽流涕于是攘臂成之矣又盧延讓業
僻澁詩吳翰林雖以賦卷擢第然八面受敵
深知延讓之能延讓始投贄卷中有說詩一
篇斷句云因知文賦易為下得之乎子華笑
曰上門惡罵來詩史蜀盧延讓獻王建詩